

11

DE ANTHRACE.

THESES

ANATOMICO - CHIRURGICÆ,

Quas, DEO JUVANTE, & Præsidi M. TUSSANO
BORDENAVE, Artium & Chirurgiæ Magistro,
Scholarum Antiquo Præposito, Professore Regio, Regiæ
Chirurgorum Academiæ Consiliario & pro commercio
extraneo Secretario, Academiæ Florentinæ Socio, *tueri*
conabitur, JOANNES-JACOBUS ROBIN, *Altiissiodorensis*,
in almâ Universitate Parisiensi, Artium liberalium Magister.

P A R I S I I S,

IN REGIIS CHIRURGORUM SCHOLIS,

*Die Veneris, 29^a. mensis Novembris à sesqui secundâ post meridiem ad
septimam. Anno R. S. H. 1765.*

PRO ACTU PUBLICO
ET
MAGISTERII LAUREA.



Typis P. AL. LE PRIEUR, Regii Chirurg. Collegii
Typographi.

M. DCC. LXV.

L

DE ANTHRA THESES ANATOMICO-CHIRURGICAE.

Cur. Deo Juvenat. & Praef. M. TUSCANO
BORDENAVE, Auctum & Chirurgiae Magistro,
Scholarum Antiquo Inspectori, Professore Regio, Regis
Chirurgorum Academiae Conditore & pro communi
examine Secretario, Academicae Honorariae Socii, cum
consensu, Joannes-Jacobus Robin, Aliphodensis,
in alia Universitate Parisensi, Auctum Libellum Magister.

P A R I S I S.


IN REGIIS CHIRURGICORUM SCHOLIS.

Die Pontificis, reg. mensis Novembris 6 septem fecundis post octiduum ad
septimum. Anno R. N. 1767.

PRO ACTU PUBLICO


ET

MAGISTERII LAUREAE.




Typis P. A. L. E. Prieur, Regii Chirurg. Collegii
Typographi.

M. DCC. LXXV.



D. O. M.
 DE ANTHRACE.
 T H E S E S
 ANATOMICÆ & CHIRURGICÆ.



UM per vasa propria ritè absolvitur sanguinis circuitus, viget calor animalis functionesque ritè perficit corpus sanum. Si, aucto motu, inordinatè propellatur sanguis, versùsque minora vasa urgeat, jam adest morbosa diathesis, perturbantur partium munia & usus, destruens oritur calor, detrimentum experiuntur solida & fluida, mutatâque indole ad mutuam ruinam tendunt, nisi Arte ad Naturæ leges accommodatâ, status naturalis restituatur. Annumeratur meritò inter morbos frequentes Inflammatio, cujus sunt diversi gradus sicut & variæ species. Has omittimus, de Anthrace seu

2

Carbunculo tantum dicturi, præmissis quibusdam de regumē-
tis corporis communibus, in quibus frequentius sedem suam
habet.

§ I.

INTEGUMENTA corporis communia, numerantur Cutis &
Textus Cellulosus: exterior illa, texturâque firmior totum cor-
poris habitum tegit; hic structurâ tenuior, cuti internè sup-
ponitur.

QUADRUPlicem partium ordinem in cute distinguunt Anato-
mici. Præcipua & interior pars, cæteris crassior, pro variis
partibus modò densior, modò rarior, fibris variis constita,
Corium vocatur. In corio annotantur fibræ elasticæ diversimodè
cum vasis arteriosis, venosis & nervosis implicatæ, quæ cellu-
las densiores aut saltem intricatum efformant textum, sicque
mirâ dispositione propriâ, nec non peculiari cum vicinis par-
tibus connexionem solidam offerunt involutrum, extensile,
contractile. Huic exteriùs apponuntur aliæ partes in cute dis-
tinguendæ.

E corio prodeunt nervorum extrema, tenuissimis vasculo-
rum propaginibus stipata, quæ papillas efformant per cutim
universam dispersas. Hæ papillæ non ubique æqualiter sublatâ
cuticulâ conspicuæ in linguâ obtusæ, conicæ, villosæ appa-
rent; in labiis post macerationem villos offerunt; in digito-
rum extremis difficiliùs dereguntur. Infra cuticulæ foveolas
sedent, earumque per totam cutim existentia, si non visu,
analogiâ saltem & usu demonstratur.

INTER papillarum spaciola annotatur substantia mollis, muco-
sa, calore concreescens, ægrè in Europæo, facilè in Africano
Æthiope separabilis, in linguâ brutorum post coctionem con-
spicua, & innumeris foraminulis perforata, quæ cuticulæ
adhærens papillas recipit, sustinet, & ordinat. Hæc substan-
tia corpus reticulare, seu meliùs mucosum, nuncupatur. De
ejus structurâ inter se non consentiunt Anatomi: hoc cor-
pus ad humorum naturam referunt alii (a); minutissimis ca-
pillarium propaginibus hinc inde perreptantibus illud effor-
mari vero propinquum arbitratur clar. Winslowius (b); ipsum

(a) Haller prim. lin. Physiol. n. 4. 8.

(b) Exposition Anatom. Traité des régumens.

autem coacto humore quodam è cute exhalante, tenuissimâ membranulâ contento, constitui, veritati non alienum videtur. Ab ipso repetendam esse nigredinem æthiopum demonstrant observationes? An à peculiari partium dispositione? An à specifico quodam humore per illud disperso? Nondum elucidaverunt experimenta Anatomica.

EXCEPTA unguium regione, exteriùs involucrum cuti exhibet Cuticula seu Epidermis. Hæc membrana tenuis, quibusdam in locis crassior, pellucida, sicca, insensilis, vasis nervisque destituta, exteriùs lævigata, rugosa tamen, sulcis areolisque spiralibus digitorum in extremis, at pro aliis partibus diversè configuratis insculpta, interiùs inæqualis, tenuissimis vasculorum staminibus pilisque transeuntibus corio annexa, ipsâ-met cute magis extenditur, & versùs corporis interiora reflectitur. In ipsius substantiâ nullæ annotantur fibræ, lamellis tantùm tenuioribus in membranæ modum coadunatis contexta videtur; innumeris perforatur poris quorum majores pilis transitum præbent; minores sudori, perspirationi, resorptioni dicantur. A partibus subjectis facilè solvitur cuticula; destructa renascitur; tritu, calore, compressione crassescit, distinctasque plures offert lamellas. Ab humore papillarum exudante pulposisque fibrillarum extremis simul concrecentibus, & per vim vitæ organicè dispositis, ipsius formatio & reparatio videntur repetendæ.

EA quam modò diximus apparet cutis structura, dum post varias præparationes consideratur. Non eadem verò in statu contrà naturam reperitur; sic in emphysemate aut in œdemate evanescit corium illud solidum, elasticum, totumque in textum cellulosum resolvitur ad cuticulam usque; unde non sine ratione concludi posset, corium esse verum textum cellulosum & à textu cellulari supposito tantùm differe structurâ densiori, lamellis strictiùs coherentibus, varioque fibrarum ordine à partibus vicinis mutuato.

PRÆTER pilos & ungues, annotandæ sunt etiam in cute glandulæ minores, sebaceæ dictæ, hic & illic in superficie corporis disseminatæ. Hæ in facie præsertim, auribus, mammis, alis, inguinibus, &c. conspicuæ, humorem oleosum, crassiorem, vermiculatim concrecentem, morâ nigricantem secernunt, minimisque osculis foràs deponunt, cuti leniendæ, laxandæ, & à frictu defendendæ idoneum. Oleosum quid cum

humore perspirante per totam cutem exhalat, ab humore sebaceo distinguendum; illud à pinguedine per poros cutis effluente repetendum, minimè verò à fictitiis glandulis miliaribus, ex analogiâ suppositis, nusquam verò demonstratis.

CORPORI exterius involucrum præbet cutis; simulque per totam ipsius superficiem offert tactûs organum, in digitis manuum præsertim sensile, variè pro variis partibus distinguendum. Papillæ sensationi dicantur, quam tamen moderantur aliæ partes, quamque ritè dispositæ perfectam referunt. Sic papillas molles, ad leviolem tactum sensiles, continet mucosum corpus; has defendit cuticula, tactum que moderatur: hâc sublatâ sequitur sensatio molesta, indurata aut crassiore factâ, imminuitur, deperditurque tactus.

ALTERUM corporis tegumentum commune præstat membrana adiposa, seu textus cellularis, qui non tantum sub cute annotandus; sed versùs interiora corporis expansus, ubique progreditur, in ipsâ-met viscerum fabricâ observandus. Ille textus plurimis constans lamellis membranaceis diversimodè dispositis, cellulas efformat extensione varias, inter se mutuo communicantes; sic que licet pro variis partibus differre videatur, eadem est ipsius in toto corpore structura, idem est usus.

TEXTUM cellulosum ubique non prosequentes, sufficiat hîc membranam adiposam considerare. Hæc cum cute continua, crassior quàm in aliis partibus, cellulas exhibet ampliores; innumeris vasorum sanguiferorum propaginibus perfunditur. Ex arteriis procedunt ductus peculiare, quibus in folliculis fecernitur humor oleosus, morâ crassescens, resolubilis tamen, defendendis, lubricandis, inungendis musculis partibusque vicinis idoneus; idem ille humor ductibus propriis resorbetur & per venas versùs circulationis alveum refertur.

Ex hac structurâ patet membranam adiposam, mollem, extensilem, laxam, facillè distendi; ipsius vasa tenuiora, minùs resistentia, non ægrè ingurgitari, difficiliùs liberari; denique humorem in cellulis contentum variis de causis mutari, perverti. Non mirum ergo, si cutis & illa membrana inflammationum, abscessuum, aliorumque plurium morborum sint frequentior sedes.

§ I I.

CARBUNCULUS est tumor phlegmonodes, intensissimè inflammatorius, ex atro rubens, lividus, durus, cum dolore acerbissimo lancinante, cum vivido caloris sensu, ut plurimum circumscriptus, carni suppositæ quasi affixus, quandoque prominens, in apice seu centro, breviori tempore, pustulis seu crustâ sæpius nigrescens. In hoc-ce morbo dolor similis ferè, qualis ab adurentibus adesse solet; crusta insensilis, emortua, quasi adusta apparet; imminet gangræna, unde Latinis *carbo*, seu *carbunculus*, apud Græcos *Anthrax*, & ab Arababibus *Pruna* seu *ignis Persicus* nuncupatur.

PECULIARIS quædam se prodit hujusce mali indoles; tantâ vi enim, tantoque cum impetu sævit, ut celerrimè & quidem intrâ aliquot horarum spatium quandoque oriatur; vitale principium in parte affectâ lædit, imò destruit; suppurationem legitimam sæpius impedit; saniam putridam & pejoris naturæ dant carnes lividæ & quasi emortuæ, difficiliusque ad vitam excitatæ suppurationem legitimam procreant. Cum tamen in omnibus carbunculis non semper æquè ferociter sæviant hæc symptomata, hinc variæ distinguuntur eorum species, ideoque simplex aut compositus, benignus aut malignus habetur.

CARBUNCULUS simplex minor est, circumscriptus, durus, renitens, & plus minus-ve celeriter efformatâ crustâ leviori ad legitimam suppurationem tendit; vicinæ partes vix inficiuntur; mitiora apparent, ortâque suppuratione, modò remittuntur symptomata. Non item carbunculus compositus; magis extensus vicinas partes afficit, dumque in centro verus efformatur carbo, jam longè latèque serpens malum in vicinis partibus ingurgitatis efformat erisipelas aut phlegmonem; hinc non tantum compositus, sed etiam pro extensione alterius morbi prædominantis tanquam spurius haberi potest.

BENIGNUS dicitur carbunculus ille qui oritur à causâ simplici, cum mitioribus symptomatibus; in corpore cæteroquin sano, & brevè ad finem tendit absque accidentibus. Malignus contra ille est quem pejora comitantur symptomata, uti convulsiones, delirium, nausæ, singultus, animi deliquium, &c. qui citò partes gangrænâ profundiori afficit, totique corpori peri-

culum & ruinam minatur; hic autem rursus distinguí potest, in pestilentem, si tempore pestis oriatur; in symptomaticum, quando, corpus depascente febris malignâ, morboque non remittente, efformatur; denique criticus erit, si sub finem morbi appareat.

His positis de carbunculi indole & variâ specie facillè patebit quomodo differat à phlegmone, furunculo, &c. attamen ad naturam phlegmonis plurimum accedit, & ubi nascitur phlegmo, ibi est oritur carbunculus: hinc in cute textuque celluloso subjacente hujus ce mali sedes, præsertim si simplex sit aut benignus carbo; si verò sit compositus aut malignus, ad partes vicinas etiam extenditur, sphacelum que producit. Non ergo sedes ipsius repetenda in fictitiis glandulis miliaribus (a); huic sententiæ adversantur partium structura, morbi que incipientis aut incrementis consideratio pathologica.

INTER carbunculi causas annotantur acrior sanguinis humorumque dispositio, perversus rerum non-naturalium usus, contactus venenorum, animaliumque peste aut morbo contagioso interemptorum, ea denique omnia quæ humores mutant & ad alcalinam indolem convertunt, aut corrosivum quid in corpore inducunt. Unde tunc si forte in quâlibet parte hæreat vitiatum humor, jam tenerrima vasorum stamina irritat, constringit, unde primò pruritus, tensio, dolor; dein causticorum more vitale principium suffocat, fluida inspissantur, stagnant, pars in centro induratur; imò pro vi veneni depositi quandoque in crustam gangrænosam, profundam mutatur; unde in vicinis tensio, pulsatio inflammatoria, urens dolor, febris aliaque pejora symptomata pro indole & extensione partis affectæ.

EXPOSITIS priùs carbunculi naturâ & differentiis, facilis fit ipsius diagnosi, cui non parùm conferunt signa commemorativa; hæc enim, dum morbi causam demonstrant, ipsius indolem, speciem, periculum que prænuntiant. Observandum tantùm est inflammatione violentissimâ naturam ipsius constitui, pustulamque seu crustam non semper adesse; constat enim morbum quandoque in ipsomet textu celluloso profundius oriri, ægros immanibus sæpè doloribus ardentibus & spasticis priùs affici, quàm carbunculus extrorsum prodeat (b),

(a) Uti allegatur in libro: *Traité des tumeurs & des ulcères*, t. I, p. 142.

(b) Juncker. Chir. conspect. tab. 8. p. 82.

gangrænosamque escarram interiùs lâtere , cute parùm mutatâ.

ANCEPS & periculi plena carbunculi prognosis : excepto enim illo qui à contactu contagioso oritur , tanquam crisis naturæque humorem perversum expellentis conamen habendus est hic morbus ; attamen pro variâ specie non funestus æquè eventus prænuntiandus est. Unde , licet ex se periculi aliquid habere videatur carbunculus , periculum æstimandum est pro ipsius causâ , specie , situ & accidentibus. Hinc qui oritur à causâ externâ minùs noxius quàm qui pendet à causâ internâ ; à causâ malignâ vulgari minùs periculosus , quam à causâ pestilenti ; hic etiam dijudicandus pro modo quo prodit & exitu quem molitur. Carbunculus simplex meliùs cedit quàm spurius & complicatus ; qui partes membranaceas , nervosas , juncturas occupat , periculosiùs tendit quàm qui textum cellulosum & partes carnosas tenet ; denique ex accidentibus majoribus , vel quando post eruptionem retrocedit , pessimum habetur præsagium.

Cum summâ velocitate sua percurrit stadia carbunculus : vix formatus , jam ad suppurationem aut escarram gangrænosam tendit ; unde ipsi opponenda curatio quæ non tantùm externa , sed & interna esse debet. Dum enim exteriùs sævit malum , pro variâ ipsius specie , causâ , tempore , varia victûs ratio diversaque medicamenta interiùs sunt præscribenda. Sic pro inflammationis gradu ægrique viribus , sanguinis missio plus minusve repetita , potus diluens , temperans , diaphoreticus , victus tenuis , alvum moventia , imò & emetica sæpiùs indicantur ; contrâ languente inflammatione , difficiliùs prorumpente carbunculo , præsertim pestilentiali , viribus naturâ morbi prostratis , competunt potus calidior , sudorem promovens , vim vasorum excitans , cardiaca cautè adhibita , corticis Peruviani usus , &c

Cum non eadem sit spes resolutionis in carbunculo ac in aliis tumoribus inflammatoriis , imò cum sæpiùs , tanquam noxius tentandus non sit hic morbi exitus , idèd in primis temporibus , pro inflammationis specie , admovenda sunt topica , vel simpliciter lenientia , si major inflammatio ; vel , si minor sit aut languens , suppurationem promoventia , maturantia. Maturatione factâ , etiam si adsit crusta minor gangrænosa , exitus puri ferro aut topicis conciliatur , escarræque deciduâ curatur ut ulcus.

Non eadem præstaret curatio majori carbunculo & ad gangrænam tendenti; malum sistendum, nihilque omittendum, ut corruptæ carnis à vivâ separatio promoveatur. Ad hunc finem, scarificationem laudant nonnulli (a), partemque corruptam ad sanam usque incidunt, ut sanies foras eliminetur & aditus medicamenti antiputridis, suppurantibus, corrosivis variisque pro re natâ indicatis, concilietur. Hæc felici cum successu tentari possunt, languente suppuratione, stagnanteque materiâ in partium inertium texturâ: evacuata enim sanie, agentibusque medicamenti, vitæ restituntur partes jam jam morituræ.

Si tanto cum impetu prorumpat carbunculus, ut densior fiat crusta gangrænosa, & sphacelosa immineat corruptio, totis viribus incumbendum ut materies morbosa fixa retineatur, & si possit, hîc attrahatur, vicinæ partes sanæ conserventur, denique ut gangræna ulteriùs depascens impediatur. Idèò non infeliciter cedunt suprâ crustam gangrænosam, lapidiscantici, aquæ fortis, præcipitati rubri usus; abstinendum à butyro antimoniî, ne ad partes sanas penetrans medicamentum, gravissima symptomata, labemque interiùs vitæ accersat. Melius adhibentur oleum fervens, aut ferrum candens prudenter admotum. Hoc ultimum medium suadet Celsus, tantòque melius æstimandum, quò citiùs adurat, *neque enim id grave est, quia non sentit, quoniam caro mortua est. Finis que urendi est, dum ex omni parte sensus doloris est* (b). Hanc praxim felici usu comprobata in peste Londinensi memorat Heisterus (c); imò tanta est ipsius vis & energia ut, referente Sculteto (d), carbunculus retrocedens ferro candente eminùs adhibito, rursùm prodierit.

Dum carbunculus increfcit, efformatam escarram à parte sanâ tunc suppurantibus resolvere, minimè verò excidere præstat. Si enim intempestivâ sectione crustæ gangrænosa separatio tentetur, jam post operationem partes ingurgitatæ gangrænâ afficiuntur, acerrimi dolores oriuntur, ferociùs sævit morbus, malaque pejora ut plurimùm sequuntur; imò ægros hac praxi nonnunquam tolli de medio vidimus. Non item escarrâ perfectâ & ortâ suppuratione, quæ mortuam à vivo

(a) Heister. instit. Chirurg. part. 1, lib. 4, cap. 11. Juncker. conspect. Chir. tab. 8. Cours de Chirurgie, par M. Col de Vilars, tom. 1, pag. 346.

(b) Cels. lib. 5, cap. 8.

(c) Loc. superius citato, n. 11.

(d) Armamentar. Chirurg. tab. 20.

Cum sæpius in primis temporibus post separationem sequatur suppuratione mali moris, languentem vasorum vim excitare, humorumque naturam mutare juvat suppurantibus cum Myrrhæ & Aloes tincturâ mixtis, topicisque variis exterius admodis. Carnes pallidas, luxuriantes phagedenicis restringere decet; cæterùm purgato carbunculo, ægroque se melius habente, pro vario carniū statu, ulcus, ut simplex tractandum.

